

GENESIS

GO

NAMAGOVAI VEA

NI

EXODOS

PAE

NGUNA, NEW HEBRIDES



DUNEDIN, N.Z.

PRINTED FOR THE BRITISH & FOREIGN
BIBLE SOCIETY

BY THE CAXTON PRINTING CO., MANSE STREET

1892

TUSI VEA KI MOSES.

WAINA EU SOSO E KI.

GENESIS.

MATELE, I.

- 1 Ragi ni naatulakeana Supe e dawona
2 ki nakoroatelagi go maramana. Go mara-
mane e pinovinoi go e palo ; go namaligo
e doko narae ni epua : go nata ni Supe e
darakovakovagoro narae ni noai maga.
3 Go Supe e noa, Namarama ega vakilina :
4 go namarama e pakilina. Go Supe e pu-
nusi namarama, naga e pia : go Supe e
dañotae namarama pakasa ki namaligo.
5 Go Supe e soso namarama ki Aleati, go
namaligo e soso e ki Pogi. Go ragimelu
e doko go malipogi e doko, naleatia sikai.
6 Go Supe e noa, Namalopa sikai ega
toko maleoputo ni noai maga, go ega ta-
7 ñotae noai maga pakasa ki noai maga. Go
Supe e mari namalopa, po dañotae noai
maga waina eu doko etano ni namalopa
pakasa ki noai maga waina eu doko elagi